

光緒辛巳年重修

惠州府志

惠郡城北文昌宮藏板

惠州府志卷之二

輿地

形勝

惠郡古名梁化

梁龍川

隋海豐

唐博羅

宋亦稱惠陽羅浮

東接梅湖北連汀贛鼓角導其前羅浮擁其後龍川淡水二流會爲江而環其左橫槎簾洞二源鍾爲湖而縈其右五嶺東南負山面海壯哉一大郡也昔人謂漢之名部越之沃野諒哉

惠陽沃野千里號爲名郡層巒疊嶽列峙屏垣廣澤雙江汪洋周護依郡曰歸善城在隔水仰石埭俯豐湖東南有海港焉置平海所爲外藩西北博羅西鎮羅浮東懸

象嶺龍江榕溪迴繞左右萃靈據勝甲於天南矣東曰
海豐陸豐負峻嶺臨大洋碣石一衛孤懸海表翼以甲
子捷勝二所稱重鎮焉北長甯九曲雄峙溪山稱勝東
永安雞嶂琴江毓靈獻秀東北河源桂山如屏槎江爲
帶龍川霍山鰲峰互爲雄傑泐水東江蜿蜒縈抱是古
循之故壤趙陀之遺風也和平控閩固廣實稱扼塞連
平北章貢右韶石爲九連萬山之保障此惠郡形勝之
大畧也

附府治曰歸善縣古名爲欣樂晉繁大之邦要衝之會羣

山碁布雙江合流北鎮象頭鶴峰挺秀南峙天馬榜山
呈祥西湖浩蕩劍潭鎖鑰允稱首邑大觀矣

八景

鶴峯返照 鴈塔斜暉 豐湖漁唱 半徑樵歸

桃園日暖 荔浦風清 山寺嵐烟 水簾飛瀑

府治西北三十里曰博羅縣古名博羅無改

宋書云二漢皆作博羅晉

太康地志作博羅

象山竝立浮碇殷之龍江抱其東南而羅浮

之區靈氣萃焉磅礴鬱積益必有當之者形勝甲諸邑

八景

浮碇朝曦 榕溪夜月 佛跡湯泉 羅浮仙境

獅嶺驪珠 象山積翠 石鼓農耕 龍隄樵唱

府治東北四百二十里曰龍川縣

顏師古曰裴氏廣州記云本博羅之東鄉也有

龍穿地而出即穴流泉因而爲名

亦名雷鄉

晉

海珠鰲峯蟠踞雄厚剎

水東江縈帶清遠蓋趙佗遺封循州舊壤其稱勝久矣

八景

太乙仙巖

鰲湖秋月

龍潭飛瀑

梅村橫舟

鰲峯霽雪

合溪溫泉

東山暮鐘

龍臺晚望

府治北一百五十里曰河源縣古名新豐休吉

俱隋

桂山西

鎮龍江東抱土原沃衍據郡上游風氣猶近醕焉

八景

梧峯夕照

桂岫晴嵐

寶江漁唱

石徑樵歸

龍津晚渡

東浦春耕

龜峯古塔

燕石長亭

府治東北四百里曰連平州明崇禎六年平九連山寇割

河源和平長甯及翁源四邑地立州治層峯簇擁飛壑

環流向爲伏莽之區今且爲蕩平之域屹然一巍鎮矣

八景

西山瀑布

丹竈虬松

南樓野眺

仙塔遺踪

聖蹟蒼巖

梧峯樵唱

戈羅聳翠

龍潭噴雨

府治東北五百八十里曰和平縣明正德十四年南贛提

督王守仁平剽頭始奏立縣聯絡閩廣控帶龍安

龍南安遠

實要害之地東山導前花嶂奠後可以爲邑矣岑岡盜藪今已剷除然外鄙尙多窟穴不可一日而忘備也

八景

東山聳翠

仙女靈石

阜陽勝覽

寶塔昂霄

躍龍奇觀

石湧溫泉

五花毓秀

聖蹟幽巖

府治東南三百里曰永安縣明隆慶元年度歸善長樂適
中之地立縣治以制寇握羣山之紐會控四邑歸長河豐之
上游東北展山西南帶河稱形勝焉

八景

元峯聳翠

文筆插雲

紫金春曉

烏石秋光

鐵潭倒影

火帶長林

秋鄉晚泊

鐘洞午陰

府治東三百里曰海豐縣古名安陸

南齊

亦稱南豐

以太海在邑南

故云

厥土平衍重岡四維負銀屏揖金籠保嶂對峙龍津

合流南則大海浸焉是爲勝邑

八景

蓮峯疊翠

龍津漁唱

萬壽曉鐘

銀瓶飛瀑

海門潮聲 麗江月色 長沙夜雨 鳳河晚渡

府治東三百五十里曰陸豐雍正九年析海豐地置邑北
界長樂東連惠來雞籠擁其後虎頭峙其前負山面海
自昔稱要害焉

八景

圖嶺斜暉 洛洲芳草 龍山烟樹 仙橋夜月

烏墩歸帆 法岫停雲 碣臺觀海 甲石吞潮

府治東四百里曰長甯縣明隆慶三年新立鐵嶂擁其後
石溪環其前左以七十灘爲池右以九曲嶺爲郭山溪
之雄巍然一保障矣

八景

嶂維君子 峯挹貴人 練溪噴雪 髻岳堆雲

車田菰竹 鴻鴈滄洲 溪灣九曲 嶺耀七星

惠州府志卷之二

輿地

關隘

府東接長汀北連贛嶺控潮海之襟要壯廣南之輔展大海橫前羣山擁後誠嶺表名郡也

惠居嶺表東南依山阻海藍關一隘鎖鑰賴之和平東山倚郭花嶂凌霄聯絡閩廣控引龍安要害之衝長甯倚鐵嶂瞰石溪左灘爲池右嶺爲郭信溪山之雄永安紫金作枕琴江如練羣山之紐聯絡歸長河海四邑之要區也連平北屏鳳嶂南案仙嶺千峯簇擁萬壑環流屹然一巨鎮矣

惠州衛在府治西南明洪武二十三年建

歸善縣

惠於五嶺爲大郡歸善爲大縣山占其一川占其一其東北複嶺重關陸走四百里則礮頭爲之宗正東平政白馬西馳迤而南碧甲海水環之所城連絡碣石爲重鎮

明連國柱
都里志論

東關 西關 南關 懷安戍在府南懷安山下唐置

戍守此 馴雉鎮在府東北有巡司洪武初置

平海所

詳見
海防

檳榔潭營在縣東北江濱西與博羅之

莫村相對明嘉靖末僉事尤瑛立又有蜆殼岡營在縣西北同湖水口與博羅縣接界明嘉靖中鄉民建後設

兵戍守

富沙寨在縣東曠野數十里南臨江北阻金

斗水元季土豪劉守正嘗據此又船澳寨在縣東南濁

水山卽文天祥駐兵處又周徑寨在縣西南周徑山舊

嘗屯兵於此以援郡寨

馬公寨在縣東北磔頭山方

輿紀要云嶺東賊巢曰洋烏潭馬公等寨皆叢山深箐

延袤八百餘里一夫當關萬夫莫過賊首伍端黃世喬

等嘯聚其中蠶食東路者數十年 平山巡司在縣東

南七十里原名平山驛

本朝雍正八年改設又舊有

欣樂巡司在縣城北下郭原名欣樂驛

本朝雍正八

年改設乾隆年間裁

內外管巡司在縣東南一百三

十里飯羅岡明洪武元年置

本朝康熙間改主簿管

理今復設巡檢移建梁化墟 平政巡司在縣東南一百五十里原名平政驛 本朝雍正八年改設 平海巡司在縣東南一百五十里 本朝雍正九年增設 碧甲巡司在縣東南一百八十里大埔山西南斗入海中明正統八年置今遷淡水墟 黃洞山在府西三十里山深遠舊爲賊巢蜿蜒而東至府西十里爲新村嶺郡邑之屏障也周徑山在府城南二十里延袤數十里東通麻庄南出中峒北抵橫江西接大嶺路皆險峻舊嘗屯兵於此

博羅縣

博羅關隘有大蓬瀝大屏馬鼻頭公莊崗大羅陂洪溪峒

逕心大水坑虞周徑東瓜坑蕉林高等處地名 羅峒

隘在縣東北象頭山南爲陸路要害又有洪溪峒隘在

縣東北雞籠山東 橘子舖營在縣西北又有南坑營

橘子頭營皆接廣州府龍門縣界俱明嘉靖間置 石

灣巡司在縣西一百二十里石灣村接廣州府東莞縣

界明洪武四年置今因之

謹案方輿紀要云石灣鎮縣西七十里有巡司與此異

又舊有蘇州巡司在縣城東南龍江東原名蘇州驛

本朝雍正八年改設乾隆年間裁 善政巡司在縣西

北三十里湖鎮村明洪武四年置今因之 了髻山其

陽多錫他境奸民赴之其陰曰西坑盜賊出沒

龍川縣

龍川地接東贛與潮爲鄰多深山絕壑連絡蹊徑百十貫穿每賊盜則如循環探淵莫究端底又加以林薄翳密

陡崖峻岨難於馳突以至出沒若鳥聚散鮮能殲獮

明盛

端明龍川

三大事記 饒鈹山隘在縣北萬厯初賊宋福遠據此

作亂尋就擒

猴嶺隘在縣西北接和平縣界隆慶末

賊鮑時秀據此作亂萬厯中官軍討平之鐵龍隘在縣東北接江右安遠縣界萬厯初賊葉楷據此作亂尋討

平之今並廢

龍川縣驛步一鎮

龍川所在縣治西

明洪武二十年建隸惠州衛

田心屯在縣東南興樂

一都通衢之西南明洪武二十三年立宏治十七年賊劫通衢司因於此築城其北有嶺西屯在縣東一百里又

東北二十里有興隆屯又東北八十里有上莒屯 塔
下堡在縣西北水道出江西定南安遠二縣界又有濁
溪高澗諸處舊皆爲哨守處 老龍埠在縣南二十里
爲水陸舟車之會閩粵商賈輻輳明洪武九年建遞運
所於此嘉靖九年裁 通衢巡司在縣東五十里明洪
武九年置嘉靖四十四年築城後僉事雍闢移巡司治
縣東老龍埠隆慶二年復還故治今因之 十一都巡
司在縣東北一百五十里明洪武二年置今因之爲縣
境水陸之衝防守最切 銅鼓障在縣北又有葫蘆峒
諸險皆賊出沒處嘉靖中撫臣吳百朋遣將破賊賴清
規於此

河源縣

桂山西鎮龍江東抱土原沃衍據郡上游語其四塞則豐
江上流高山險峻之域有長甯連平當其隘槎江上流
高山險峻之域有和平龍川塞其衝兩江至縣治合流
而下與永安博羅歸善互相連接去海數百里氛祲莫
及向或有草寇負險之虞自連長永安旣建疆宇晏然
矣 銀漢之水出自桂山遶城之西而環其北匯其東
爲鱷湖城因之以爲險其守可固是以厯百數十年而
無患其後下卑瀝洩而深水瀝繼之鵝公瀝繼之牛角
濬木棉塘又繼之故寇之能陷城者城之失其險也
明楊

起元制
府湖記

鴻珠關在縣南三里又塔下關在縣東南二